

# **Landesbibliothek Oldenburg**

## **Digitalisierung von Drucken**

Heinrich Siefer: Harvst

*Heinrich Siefer*

## Harvst

Still hang de Harvst in aale Böome,  
un düüket sacht den Wind  
of dröömt he sachte düüster Drööme –  
doch ik seih bloß, wo bunt de sünd.

Heil sinnig kullert Blöör'as Traonen  
de Eern weik nu in 't Gesicht.  
Mi dücht, de Harvst heff schients ein Aohnen,  
man is för 't Enne bange nich.

Blööre schaukelt wiegelsacht  
un trieselt dör de Luft.  
Hebbt se den Winter all bedacht,  
de deckt de kolde Gruft?

Noch hangt de Harvt in Sünnenpraohl  
noch lacht de Bööm in Klöör  
doch Frost un Küll' bringt aals bold daol  
dann is de Droom nich mehr

*Helga Hürkamp*

## De Bäukenboom

He wasst no siene eigen Aort,  
drifft de Woddeln in jede Richt,  
    werd kübbig, breet un hoch,  
spreiht un reckt de Twiege wiet,  
wassen, stark un stävig wäsen,  
    dat is sien Bedriev.

Sien fluttern Blöörkleed buusket,  
praohlt mit Blössem ohne Taohl,  
verstreicht dann in de Riepeltied  
    siene Früchte laogenrieve  
in bruunglämmern Schaolen.

He singt siene eigen Rüselliieder,  
farvt Harvstdag sien Kleed goldig-bruun,  
treckt sik Winters torügg in't Woddelhuus  
    un Maidag wenn de Sünn lockt,  
dann steiht he verhoolt weer up  
    in friskgreunen Prunk.

